

UKWETHULA IIMPHAKAMISO NGOMLOMO

Iimphakamiso ezithulwa ngomlomo zikunikela ithuba lokugandelela lokhu esele ukuvezile esiphakamisweni sakho ositololileko begodu kuvumela ikomiti ithole ihlathululo ngamaphuzu aveziweko esiphakamisweni. Nange ikomiti iqunta ukulalela isiphakamiso sakho uNobhala weKomiti uzokuthinta ukwenza amalungiselelo wokulalela isiphakamiso sakho ngomlomo.

Iimphakamiso ezeniya ngomlomo zingenziwa emiHlanganweni yomPhakathi ebanjwa maKomiti.

- Iimphakamiso lezi ziayarekhoda emiHlanganweni yomPhakathi bese ziyakopululwa
- IKomiti ephaleneko/AmaKomiti aphatheleneko aqala ubufakazinofana imibono ekwabelenwe ngayo ngesikhathi somHlangano bese acocisana ngokumumethweko ngemva kwalokho.
- Nange umbono usekelwa babantu abanengi begodu nangabe unesisekelo umbono nofana ukutshwenyeka kuba sethubeni elihle lokufakwa emsebenzini weKomiti/amaKomiti aphatheleneko.
- IKomiti/amaKomiti azokwenza isiqunto ngobujamo bendaba leyo.

UMHLAHLANDLELA WOKWENZA IIMPHAKAMISO NGOMLOMO

Ukuhleleka kokwethula iimphakamiso ngomlomo kuyahluka hlangana namakomiti begodu kuya nangehlobo lomsebenzi.

Landela umhlahlandlela ofana nalowo weemphakamiso ezitlolwako.

Ukulungiselela isiphakamiso esenziwa ngomlomo – Ngombana imihlangano yamakomiti kanengi ivulekela umphakathi neembikindaba, ungasfa ukukhambela munye wemihlangano ngaphambi kobana wenze isethulo sakho ngomlomo. Ngelanga lokwethulwa ngomlomo fika kusenesikhathi. Kumbono omuhle ukuhlela ozokwethula kobana ukghone ukwethula woke amaphuzu afaneleko kobana kube nesikhathi esaneleko semibuzo.

Iintlabagelo ezibonakalako – Amakamuru wePalamende afakelwe imitjhini ekghona ukukhombisa iinthombe-ezizwakalako begodu lokhu ozokwethula ngomlomo kungenza umehluo omkhulu lokha nakugandelelw ngeentlabagelo ezikhombisa iinthombe-ezizwakalako.

Ilimi – Ungenza isethulo sakho ngomlomo ngananyana ngiliphi ilimi elisemthethweni leSewula Afrika. Yazisa iKomiti ngelimi ozolisebeniza kusenesikhathi bonyana iPalamende ikghone ukwenza amalungiselela afaneleko wokutologa.

Imibuzo – Zilungiselele imibuzo evela kumaLunga weKomiti. Kumbono omuhle bonyana ucabange ngemibuzo engabuzwa begodu uzilungiselele ukuyiphendula.

Isikhathi esibekiweko – Ungacocisana ngesikhathi esibekiweko noNobhala weKomiti kusenesikhathi. Ikomiti yenza isiqunto ngesikhathi esibekiweko ukwethula ngomlomo.

Zibandakanye ePalamende. Yenza ilizwi lakho lizwakale.

Lencwajana ifumaneka ngawo woke amalimi asemthethweni weSewula Afrika.

PARLIAMENT
OF THE REPUBLIC OF SOUTH AFRICA



Produced by the Public Education Office • Parliamentary Communication Services • INSPIRED BY PEOPLE
www.parliament.gov.za • P.O. Box 15, Cape Town, 8000 • Telephone: (021) 403 3341 • Facsimile: (021) 403 3303

Ndebele



Ukufaka Iimphakamiso Epalamende
Ukufaka Iimphakamiso Epalamende



PARLIAMENT
OF THE REPUBLIC OF SOUTH AFRICA

UKUFAKA IIMPHAKAMISO EPALAMENDE

UKUFAKA IIMPHAKAMISO EPALAMENDE

Umtethosisekelo weSewula Afrika wenza isibonelelo sokuzibandakanya komphakathi ekwenziwi komthetho, ukutjheja nezinye iinkambiso zePalamende. Ihlelo lokubusa ngentando yenengi yeSewula Afrika ayinikeli kwaphela izakhamuzi ukukhetha abajameli bazo kodwana uvumela izakhamuzi bonyana zibe nelizwi eendabeni ezibathintako.

Yinye yeendlela umphakathi ongenza ilizwi labo lizwakale ukwenza iimphakamiso uzithumele kumaKomiti wesiBethamthetho seNarha, kumaKomiti womKandlu weNarha oNgamele iimFunda nofana kumaKomiti weHlanganyela.

Iimphakamiso zomphakathi kufuze zibe ngendlela efanelekileko, okumumethweko begodu nangendlela ezhleleke ngayo kufuze kuyelewé.

Kuqakathekile bonyana isiphakamiso sifundeke bulula begodu sizwisiswe maLunga wamakomiti.

SIYINI ISIPHAKAMISO?

Isiphakamiso sisethulo semibono nofana imicabango ngendaba nofana ngesigatjana somthetho osatjhejwa yikomiti yePalamende.

Iimphakamiso singethulwa ngelimi lakho olithandako.

Iimphakamiso kanengi zitlolwa phasi. Zingagandeletwa ngomlomo ekomitini nange umuntu nofana isiqhema esenze isiphakamiso lesi simenywa ukwenza isiphakamiso ngomlomo.

Ukwenza iimphakamiso kunikela ithuba kunanyana ngiliphi ilunga lomphakathi ukuhlongoza amatjhuguloko nofana ukutjhukumisa okungensiwa ukuqinisekisa bonyana imithetho ebethwa yiPalamende nofana nanyana ngiyiphi indaba equalwe yiPalamende yenza okunqophiweko.

USITLOLA BUNJANI ISIPHAKAMISO?

Ngesikhathi kungekho indlela ehlelekeko yokwenza isiphakamiso ekomitini, isiphakamiso kufuze sicutjangwe kuhle begodu sifundeke bulula.

Intjhukumiso ezilandelako zingasiza ukuphumelelisa lokhu:

Ishloko – Faka isiphakamiso sakho isihloko ngegama lekomiti osithumela kiyo begodu nesihloko esipheleleko somThethomlingwa nofana isihloko.

Siphuma kubani? – Veza ngokubaleko bonyana isiphakamiso siphuma kubani. Yitjho igama lakho nofana unikele igama lehlangano oyijameleko.

Imininingwana yokuthintana – Faka isiphande nomtato otholakala kiwo emini. Ngonobangela wefiho mhlambe awufisi bonyana imininingwana leyo iveau kune nesiphakamiso, kuveze lokhu encwadini ekhambisana nesiphakamiso bese ukuyekela esiphakamisweni lesi.

Ngabe ufisa ukuvela ngaphambi kweKomiti? – Veza ngokubaleko bonyana ufisa ukunikelwa ithuba lokukhuluma ngesiqi sakho ngaphambi kwekomiti. Nange ujamela ihlangano begodu ufisa abanye bavele kune nawe ngaphambi kwekomiti nanyana ukusekela nofana ukukhuluma faka amagama nalokhu ebazokwenza

Ihlangano yakho – Nange utlola ujamale ihlangano nikela imininingwana erhunyeziweko ngeminqopho yehlangano, ubulunga begodu nesakhiwo. Yenza isiqiniseko bonyana unegunya lokwenza lokhu bese uveza isikhundla osiphetheko ngaphakathi kwehlangano.

Bobani abanye abakusekelako? – Ungaveza ukubonisana kwakho bonyana kunabe kangangani ngesikhathi utlola isiphakamiso. Isiphakamiso sakho singamukeleka ngokungananazi nange unokusekeleka okunableko.

UMHLAHLANDLELA WESIPHAKAMISO ESITLOLIWEKO

Lokha nawenza isiphakamiso ekomitini kanengi uveza imibono malungana nomthethomlingwa nofana ngesihloko esithileko. Nanyana kukhona umehluko ngendlela isiphakamiso somthethomlingwa sitlolwa ngayo kodwana kukhona iinkambisolawula ezenziwako.

Ukusetjenziswa kwelimi – Sebenzisa ilimi ngendlela eyamukelekileko. Isiphakamiso esinamagama athukanako begodu nangamukelekiko angeze satjhejwa.

Okukhambelanako – Hlala phezu kwephuzu. Isiphakamiso sakho kufuze sikhambelane nendaba ekukhulunywa ngayo. Ikomiti ingaqunta ukungatjheji isiphakamiso esingakhambelaniko singaletha ukutjharragana bese sinciphisa umqopho waso.

Cacileko – Hlela imitjho ngamapharagrafu alandelane kuhle. Linga ukwethula ukuphikisa ngendlela ebaleleko nelandelana kuhle. Isiphakamiso esikhuluma ngendaba sibuye sikhulume ngenye indaba sibuye emva godu nofana esihlanganisa iindaba ezingakhambelaniko singaletha ukutjharragana bese sinciphisa umqopho waso.

Kafitjhani – Tlola uzwakale begodu unqophe. Ungatloli ngokudluleleko kulokhu okwamukelekako. Isiphakamiso eside khulu singanciphisa amaphuzu aqakathekileko ofisa ukwaveza. Ikomiti ifuna ukwazi bonyana ucabangani begodu nobufakazi nofana ukuphikisa kwakho okusekela umbono wakho.

Nembako – Tlola unembe begodu nangokupheleleko. Buthelela begodu urhubhulule ilwazi elifanele ngokwaneleko. Yenza isiqiniseko bonyana amaphuzu wakho ahleli ngendlela efaneleko. Isiphakamiso esinobutjhapho sizokunciphisa khulu umqopho waso.

Ukuphetha – Rhunyeza nofana rhelisa amaphuzu aqakathekileko weemphakamiso ekupheleni kwsiphakamiso nofana isendlalelo esirhunyeziweko ekuthomeni.

Ukuthumela isiphakamiso sakho – Isiphakamiso sakho kufuze sifike ekomitini ngelanga nofana ngaphambi kwelanga lokuvala leemphakamiso begodu kufuze sithunyelwe kuNobhala weKomiti ephatheleneko.